

КАГА ВИДЗӨМ *

(збыль)

Пачвом дорын тімбыльвидзё,
Песласьё нывбаба;
Мужик водзас дыр нин видзё –
Бурдөдө лёк кага;

«Эн бөрд, эн бөрд, ичөт нылөй,
Вичко дорё кая,
Вичко дорысь, дас ур вылө
Сера тютю вая.

Мамыд какаяссё мыськё,
Регыд нёнё сетлас,
Он кё бурась, өдзёс мышё
Выкинитас вөтлас».

Кага бөрдө, баба нормө,
Легөдчө вор дорын.
Мужик вылө ёна скөрмө:
- Вөрса, менө дорин!

Ме тай шулі тэныд сёысь:
Колі мый нө гөтыр?
Керка тырыд сөмын сёйысь,
Ставыс посныд котыр...

Мый нө, лешак, вомтө тупкин?
Синмад эськө зурөд!
Потанас коть мед нин пуктін,
Кыдзи кужан бурөд!

Төдан, шөриа вед кага,

Видзышт ассьыд пайтö;
Эн пов, сюра, эн чайт кака,-
Висьтав «люлю-байсö»!

Баба пузис мужик былö,-
Öддзис пырны зыкö;
Вожасьöма «пеж вор» былö,
Пидзöс поннас пыкö...

Мужик пыр на кывзис мургöм,
Пытшкас эз кут тöрны,
Шуис: «Дыр-ö кывза кургöм?
Мый тэ кутін сөрны?

Ассьыд джынтö бурöд ачыл,
Мед оз бөрд, а ворсас;
Ассьым джынийöс - тöда ачым...
Менам - мед и горзас».